



楓南山館遺集卷七

陽湖莊受祺衛生

駢體文存

杉華館集後序

右董子詵先生手編駢體文二卷並喆弟方立先生文二卷都爲二冊授之梓人以受祺牘審義類命與校讎因得徧攬璆琛博觀鴻祕陳思之說譏彈應時改定士衡之論文體嚴覈錙銖懼弗涵領神指探索淵微就所臆揆繫之帙後夫結繩寢化文辭肇宣園方互旋奇偶迭應義量物以適志氣諧律以布聲志遠則有冲豫之

楓南山館遺集

卷七

一

神聲和斯有抗墜之節華實一揆茗幹並榮自晉以還放佚漸甚魁達有志之彥懲於駢偶之詞思標質以去文罇本而寘末就其偏者亦皆違於自然激於亢厲又噍殺之響促數失中去此適彼詎爲得乎然歧轍旣分徑途鮮合指事意者放厥辭資詰辨者繁厥義至於彙典之製奏進之篇與夫緣情象物逐影繪聲則皆追琢以敷華緜邈以察類偶體之用致爲多焉要其純駁亦匪朝夕瑰奇奮鑠洪侈浩衍鐘球在序凡玩非珍隋和置懷望氣知貴凡以誦法訓謨紹述惇史縟者爲之則或巽績牽引丹牘塗附其失也茶以鑑承景形不能遁





明燧燭物質不能奪迤漫恹恹凌虛構象緣情以暴采  
寓境以晰理或逞其譎罔究其實則將險迫纖刻誕慢  
忘反其失也侷元酒以設饗鸞刀以就割累重以蘄摯  
渾噩以存厚黜今之薄而惟古是抗輒踐其堂不啻其  
蔽入其達言脫其輻其失也櫛他若曼麗窈巧妍悅微  
緻晨琴曜景夕霞鏡空春鳥自鳴秋蟾微魄大雅之士  
翕然仿慕然或靡而不經蕩而鮮制譬之纂繡千純未  
足以禦涼燠鄭衛二八不足以協宮商其失也倪四美  
旣肇其蔽因之近古明哲時與去就其有奄備盛詣芟  
盪雜累神鋒穎解精識內涵雷電倚戶出幽入明河瀆  
楓南山館遺集

卷七

二

順流浮天夷嶽密緯竭於纖芒盛藻燦於黼黻鑄歐冶  
之劍飭五金以成材叩無射之鐘和六氣以應律舍茲  
編也其誰與歸蓋先生之學沈毅敏贍無所不窺就其  
一端可測全量而喆弟所造則更窮極幻渺煥乎大成  
乾端坤倪不可爲象鏤篆刻素具於此篇亦見駢偶之  
製淵源所趨未可與流宕之韵鉤子之辭同類而稱述  
之也

趙母劉太宜人七十壽序

代

道光己亥之三月陽湖趙君伯厚以 廷試列高等  
特命以贊善升用越三載壬寅伯厚赴補京師敬以安

輿奉迎賢母劉太宜人就養於宣南邸第維時平定張  
穆以館甥之禮聯比屋之居拜宣文之幔時晰疑聞登  
公瑾之堂能知令槩穆方鉤校方輿疏證沿革千金敝  
帚迨爾自娛伯厚則研經之餘彌邃羣史采清風之三  
志定貞觀之五家出入遷固頡頏陳范其於山川之崇  
庠封域之繡錯輒復斷斷論斷互有引伸晨夕久同內  
行彌悉蓋自太宜人以松柏之心茶檠之遇蓄畚經訓  
塵臺敦勉絜維令子克體慈忱塵滓軒裳泥蛻鍾鼎握  
陽冰於炎微匿鼯采於修巖雲遠非鴻漸之心風雨切  
雞鳴之志悅親爲大斯其選焉今歲孟冬恭值 聖母

楓南山館遺集

卷七

三

慈壽臚愉 推恩中外芝泥五色 雲章再命翼歲九  
月適爲太宜人七秩壽辰文輝東壁欣瞻 鳳綉之頌  
星曜西躔共致咒觴之獻介眉有祝其胡弗宜維太宜  
人秉粹璇源鍾靈瑤圃西京貴胄早列三台中壘清標  
曾傳七略史載賢良之輔門傳通德之聲惟祖惟考奕  
葉重光令聞彌劭公孫上第列鼎無聞韋相再傳金籙  
罕邁縹緗世其清業簡畢蘊其嘉範積累旣厚儒術彌  
昌故自文定公再傳而爲儀部申受先生實以崇闡漢  
儒發明公羊絕詣爲世宗述而太宜人則其女弟也幼  
嗜帖畢早通訓詁鮑昭稱妹實亞左芬班惠嗣兄能成



信史雜研朱於織素間春誦於秋砧好學之摯茂以加也年二十歸我外舅子述贈公孝於舅姑睦於娣姒無非無儀乃中饋之克奉曷澣曷否惟婦順之是習贈公壯遊四方銑英再辟太宐人綜庀家政洗腆承顏凡將百字親授童烏盤錦一書時郵賓雁俄而庭徵鵬集鏡掩鸞暉卷菴之心待抽秉穗之餘欲罄是知翟公之門旣可羅雀范君之釜洊欲遊魚不有賢嗣則于公之第殆不振乎太宐人旣傷

之

彌勵折蓼之誠歲己

丑卽命伯厚遊學京師鵬霄未廓己肅羽毛龍門一登遂增聲望蓋儀部公方講學都門請業再三尤賞英異

楓南山館遺集

卷七

四

而伯厚困勉之功實基於此矣歲辛卯伯厚舉於鄉乙未成進士入館選中祕數校讎之職承明擅箸作之聲出入清華洊遊顯秩人方以爲德門之慶而太宐人欲然引歉夷然若忘申躁進之誠以廣滋培懲浮譽之華以崇純樸卻纂組而弗御甘蔬布而若飴而伯厚執玉奉盈壘壘昕夕研鉛饋素矻矻寢興幾不知身傍冕蓋之場目與貂蟬之伍也今夫蓬華之士焯掌勤業枕藉百家之說貫通六籍之義蹠踣古今僂數名象而位不與執戟名不彰朝右子輿養志沾沾三釜之榮仲子事親迢迢百里之役覩縣檄而色喜沈涓澮而自傷遇之

既屯人弗克強至若置身通顯參位槐棘易臬布於朱  
紫進藜藿爲膏粱絕裾之戒弗嫌封鮓之遺罔顧耳食  
是效心巧必宗有挂壁之三史無中智之一識履端元  
會證合朔之可遷燕息縱談忌才語之見問酣拳青紫  
迷菅銀黃無忝所生奚足歸美而欲徒迹雲霄之上不  
忘巖壑之劬曠懷宙合之遠不虞苛妒之累天爵旣昇  
榮名自高君子能勞後世有繼此則鯁生綴學遜此顯  
揚魚笏稱榮謝其高誼者矣穆旣知伯厚之賢而益譖  
爲太宐人之教也因書其所志而更勸之若夫吉羊壽  
考之文介廉繁祐之頌則 自有其文非所及

楓南山館遺集

卷七

五

矣

瀛環志略序

代

粵自兩儀奠位八極造基北辰縣象南維湊汐周髀設  
四隕之喻鄒衍創九州之說固知高卑負絕縱橫可度  
其環周盈沖顯殊經緯易循其布赫然而洪荒悠遠甄  
索實難禹貢紀要荒之域未擴寰垠周官志職方之典  
僅賅中寓其有探蹟殞紘搜奇沈墨則九都遼廓名詭  
山經十洲官渺記儕郢說以爲定論殆未或然史氏代  
興殊方爰記條支奄蔡傳埒大宛弱水流沙迹窮西域  
身毒啟疆於博望大秦通譯於永元至若青羌丹粟之



鄉縣度繩行之國六朝以降載籍屢傳顧欲極亥章之步掌示而數恒沙探甲乙之藏眉列而陳坤載稽之羣冊祇益惜如松龕中丞綜貫百家淹通七略智絕輿圖之學識精形勢之言蓋自簪筆西清以迄建牙南嶠已蘊五嶽於寸心鏡二垂於尺素又以爲槃圖孟方乃宙合自然之理左舒右闢實造化無窮之運將牖荒而燭遠必踐實以徵詳於是旁蒐四裔徧求眾說爰有海西諸國用呈績事原其帆檣之所經測候之所及約其圍徑參厥廣輪準望分率致爲精審譯其未達制以爲圖並綴前言藉成信志效賈耽之畫能別華夷誦倚相之

篇遂兼工索方輿全體粲然備焉夫以大塊之積元模之廣絕以窮荒阻以巨浸剛柔輕重旣殊其俗陰陽燥溼復異其宜祝髮而裸氣炎以舒鞞中而裘風肅而斂蹶張十萬伺星月之盈虛標揃三方極風霆之變厲託廩君於白虎誓倏布於黃龍露紛而謁祇神焚頂而親梵法襲屠耆之貴則鍛戟稱雄呈犁韃之琛則錐刀是競倣詭情狀控扼爰艱要其盛衰迭代之效沿革遷流之故割據并吞之勢禍福倚伏之形前後同軌古今一轍則觀伏波之聚米善審機宜蕭相之披圖皆知阨塞有心斯世者宜可深長思矣近世志外域者代不乏人

然或咫聞尺見鄙僂無徵浩引曲稱浮夸尠實舛東西  
之界奮鵬翮而稽程誤轉注之方調鳩音而變響訛謬  
之襲有識爲譏中丞獨掃讐言衷諸一是大之囊括四  
隅碁置六合小之犀燭品彙象圖神姦上之爲遠撫長  
駕攷鏡得失之資下之爲殫識博通援核後先之本而  
余又與中丞共治海邦撫輯彝夏有以見用志之密度  
物之明慎樞機於一室恢磅礴於萬里者蓋如此也

族祖子定先生誄

歲旅重光月在大梁余叔祖子定先生示疾彌月奄歸  
冥漠之鄉嗚呼哀哉輪移轂轉金石泐其精堅日薄星

楓南山館遺集

卷七

七

回蝸螻均其旦莫嚴霜秋集先枯銚弋之枝朔氣晨寒  
卒隕卷施之草阮藉之窮途未追孝章之隱戚終傷以  
是言悲曷其有極況復士感知己愉惋得其深懷物樂  
同羣躑躅鳴其故處服屬雖遠不殊跗萼之親輩齒自  
高常從辟呬之後茫歧路交愴星查爨爨素冠同哀  
風樹此則恆河萬劫莫能解其幽憂園則九重無以伸  
其呼籲者也條歸山隴長閤音塵幼不誄長敢泥禮文  
謹綴詞於蕪筆幾紹德於清芬其辭曰

南華衍緒東第分楣觥觥宗伯海內經師微言代闡累  
葉承徽瑰姿擢穎訓行是期髫巾發蒙遺籙啟籍齊魯



傳詩孟何問易蟲刻微探駒陰分積列宿羅胸搏風奮  
翻馳聲鬣序早在冠齡隋和皓質干莫新剛銑英屢辟  
元鑰終局誰修於室而阻於庭皎皎激懷肫肫行誼孝  
始立身志先承意橋幹凋陰莪編結泗斬慰偏親壯遊  
停轡終鮮兄弟爰有女嬃惟曰子季中圭淑姝相攸韓  
虎籥野秦駒載延甥館實啟童烏彊圉之秋護闈邁疾  
求艾三年禳禳七日躋地何歸顓天無術癯骨自响豐  
顏頓失吁嗟歲厄竟阻龍蛇楚巫奚益秦緩誰支甫瞻  
陽谷遽迫崦嵫淒清總帳虛寂靈旗嗚呼哀哉伊余末  
屬夙投神契角藝瑤壇讎經寶笥十載離蹤彌年積思  
楓南山館遺集

卷七

八

握手河干傑然喪次問胡顛顛未耄而衰謂罹憂疾若  
不自知問胡清齋不惠而夷謂宜溥本慈儉爲師憶昨  
嘉平邗江同楫陽侯煽威天吳逞疾彼岸未臻子懷先  
懼曾是震驚營魂遽攝卽今春孟昕夕載親思縈如幻  
慮起無因亦嘗譬曉戒勿損神果爾臥疴丁命不辰疾  
革之時走伴相召絮語諄諄宛然言笑晨露欲晞夕暉  
猶矐維命是屯維行斯劭嗚呼哀哉有書五車箕裘克  
守有田百畝餽飽能久四大永離誰爲我有怛化順常  
待昌厥後嗚呼哀哉

天甯寺重建禪堂記

粵自正法東來單提直指四諦同寂五宗斯作掃文字  
之顯迹標權實之微旨示鉗錘於迅機恢眞覺於無量  
於是廣闢招提安處徒眾揮謝三有繫心一緣晏坐屏  
息刻香程候又復動靜交養行止互策眞妄雙消能所  
並絕蓋以尋丈之密室而繫廣眾之慧命此禪堂之制  
所由昉歟常州天甯寺者負郡東郭翼然聳峙基廣百  
畝殿高十仞金壁莊嚴之相構樞宏麗之規玉墀藻井  
之觀琳宮邃宇之勝固已甲於吳會美盡東南又代有  
名德宗規彌整拈花證以無言擊竹契其深悟海內開  
敏之士有不來遊是邦結制斯寺者輒以爲憾溯由唐

楓南山館遺集

卷七

九

代肇建迄於前明迭毀迭興規制日敞 聖清膺籙象  
教愈崇 翠華載臨琳瑯賁煥則有大曉禪師振錫茲  
土爰究爰度高菴四接燦焉各新始規後樓中室爲禪  
堂俾十方法侶六時參學其西爲影堂東爲祖堂又東  
爲功行堂記荊淵源後先繩步隙駒電逝更越百年棟  
垣榱桷日就殫壞縑素千百議將葺治雪巖禪師法名  
悟潔楚北武昌人也慧鏡外韜智珠中澈住持斯寺已  
二十稔以爲祇林不整則清淨之法誰傳精舍未成則  
拔濟之蹤奚寄宜去舊易新弗局卑陋用是伐材於林  
取石於山徹後樓而重建焉凡成樓宇三十有六楹其



崇五尋有奇增於前者十之一其背繚以周垣古木陰  
森虜蔽日月樓之上藏度經籍左右爲寮宇若干楹寺  
僧獲深詣者居之樓以下規制各如其舊髹堊丹牓務  
極緻密復於殿左葺小觀音殿樓房六楹計工一萬七  
千有奇靡制錢六千數百緡經始於咸豐紀元之仲春  
落成於是歲仲冬是役也銖積檀護之施寸蓄伊蒲之  
羨權贏濟虛通力合事闋一寒暑而工竣從此入華嚴  
之會各證圓修升般若之筵盡通密義可謂彈指而樓  
閣現舒眸而戶牖闢者也受祺景行初地瞻禮梵天求  
寶筏而逶巡仰化城而讚誦羨如雲之傑構歎不日之  
楓甫山館遺集

卷七

十

易成敢託小文以告來喆司事者爲都監師悟來監院  
師悟厚監修師潔蓮宜備書

篝鐙課讀圖序

造物循環之意吾知之矣冰霜冬肅芳菲始際於春融  
風露宵寒晴旭方舒夫朝景故承松柏之蔭者不共凡  
卉而爭腓完璞玉之藏者不並賤珉而同肆淑行之後  
有達人積善之家獲慶徵循尺矩者擴垓京靳寸陰者  
立修名理固然也況復孟機宵斷更成勵志之篇韋幔  
晨開別溯授經之派封鮓之廉早飮於初歲丸熊之業  
不怠於中年頑懦感而思興膏梁怵而知戒此董君韞

卿所以有篝燈課讀之圖也韞卿具開敏之資耐繁劇之任元理中澈貞幹外持其官農曹也衡中五雀未足擬其均平棘端一猴不能仿其微緻筭倉本富而益之以精研覽核至詳而輔之以強識今且擁旌麾任節鉞矣豈知士行巽運端由母氏之劬勞永叔荻書悉本庭闈之誨勉綜其大概可略言焉蓋韞卿之少也乾蔭早傾蒙養未就賢母丁太恭人以鞠以教爰逮成人每於午夜篝燈課讀不輟愴懷物候約有數端若夫元冥戒期晏陰厲節狂飈入隙閃冷燄而不暉積雪在庭拂疏櫺而成響滯秉冀其宿飽重綿闕其奇溫寒雞一號清

楓南山館遺集

卷七

十一

籟四發機聲上下時賡毛鄭之篇紡影周環間訂瑯琊之字此一境也又若春秋佳夕梧竹閒階蟾魄入帷勉孤童而握卷蛩聲起壁警倦讀之清眠露侵蛛網同凝湘淚之痕膏燼麝煤如涸杞城之涕敝襦在質深祛新涼脫粟甫來欣謀朝饌帶能續炷書未盡者一篇石是支機神偶憑之暫瞑此又一境也又若幼便嬉遊功妨作輟翦蠟鳳而矜能慕飛鴻而思繳字未研夫亥豕聲偶舛於焉烏提撕乍命已憶徃而生悲夏楚未施遂雷襟而欲溼方瘳心而如結比醫指而愈傷此又一境也或當憤悱旣深神解自闕茹斷壘而味饜對環堵而神



怡進詣日陳舊聞善繹一經卒業對辟岬而加餐新詩  
滿前被丹黃而顧笑述先德崇公之訓以勵方來指東  
周文伯之篇援爲炯鑒此又一境也日往月來少壯如  
馳緇絳几席忽忽如昨銀黃之綰漸卽乎雲階板輿之  
奉已周乎星紀而太恭人春秋已七十矣韞卿新銜

朝命轉漕衡湘定省偶違繫戀尤摯敬挈斯圖以警昏  
懈將膺華撫之榮寵則思寒槩悽惻之情治填委之簿  
書則念斐几訓箴之切遇事而稍拂也則憶寢門嘖謹  
之色視義而必赴也則識闔閭獎許之容於以迓慈福  
獲蕃釐宣 皇仁布闔惠而欲不樹當代之典型任中  
楓南山館遺集 卷七 十一

流之砥柱也豈可得哉受禛於韞卿埒同譜之誼又辱  
相知之雅命敘斯圖而不敢以藻麗常辭進也託古人  
贈言之義卽以餞其行焉

侍姬柳氏壙志

侍姬柳氏河南固始人也名金巧笑窈人明眸善睐豐  
容盛髮顧影生姿近汝南之墟眞迷下蔡擬陳思之賦  
宛入高唐年十五爲舅氏略賣至楚吾友張君仲遠得  
之其輩共五人並分爲婢媵姬獨以貌美侍仲遠歲幾  
乍啟橫涕無從衾禩旣肅不猶實命會有他姬害其寵  
構陷之屏於外室余時至鄂適見之詫其美麗仲遠卽

舉以相貽脈脈情深盈盈淚落甘從竈觚之列勿期金  
屋之糝蓋懲河東之虐兼懷堂北之思直眷梓桑母吟  
芣苢謂余秉性恬逸必能遂其志也荏苒三年素心未  
易會寇警漸偪余罄室避地夔陵去家則千里而遙論  
歲則及笄非遠鳩媒漸迫幾偶傭奴厖吠橫侵將隨厮  
養余深惜之其事遂寢姬亦重自悔也驚鴻旣返飛鳥  
依人感千金之誼則碧玉回身誓一諾之盟則孟任剖  
臂時爲辛酉十一月矣余纏綿薄恙時卻房帷陶寫中  
年不綠絲竹姬則奉匳沃盥獨伺凌晨展簟徘徊不常  
當夕家有二姬實權正室敬之不替無異女君言笑宴

宴會無謠詠之聲左辟提提時見婉怡之色悲歌激響  
竊下里而舒音刺繡成紋效鍼神而得譽後益視余動  
靜以爲悲愉七年求艾祝以延齡一飯加餐蹶然見齒  
晝則形影相隨宵則夢魂欲附雖無五日之御實誓百  
年之懽乃浹歲未闌婉身遽告沈憂斯起如弗克勝撫  
按沈吟飯無一溢挑繁恹恹眠不終宵昏柳甫中月辰  
已屆勺飲之虛七日過車之痛浹旬有老嫗以杯水進  
者宛轉移時浮生遽實岑岑頭目乳醫之毒猶疑寂寂  
靈知妲嘯之神奚告嗚呼惜哉姬賦質冲夷發言詳婉  
從容默解委曲多思或申旦拊心而粉幌之儀益靚或



頻朝不食而笑頤之度無愆怒之而色彌和勞之而力  
無倦柔情自結如縛繭之無端清梵初月若未蟲之未  
泊余旣以金經解其纏縛卽以其遺魄葬於益陽裴公  
亭之麓朝雲從南服之遊當知解脫夜雨聽北邙之塚  
曷慰悲思癸亥年七月日誌

楓南山館遺集

卷七

古

楓南山館遺集卷七

終

孤子怡孫編次

楓南山館遺集卷末

陽湖莊受祺衞生

駢體文襍存

恭擬固山貝子綿勳之祖母奉恩將軍弘旻之妻台楚魯氏追封貝子夫人冊文

含章蘊質筭珈瞻象服之宜錫類推仁綸綉重龍光之  
譽夙垂型於公族德美坤貞欣擢秀於孫枝恩隆晉錫  
爾台楚魯氏乃襲封固山貝子綿勳之祖母也承麻實  
胄作配銀潢勤教育於含飴暉延瓜瓞肅柔嘉於中饋  
薦美蘋蘩懋典特崇隆恩攸逮是用追封爾爲貝子夫  
人錫之冊命於戲魚軒賁飾永裕後而光前翟茀昭華  
尙承麻而席寵用光懿典勿替徽音欽哉

文

銀潢衍派清英發麟趾之祥璆檢貽徽流澤起鳳毛之  
譽式義方於弓冶秩晉桐封寄夾輔於屏藩榮增筠簡  
當尊彝之載錫庶胥蠻以潛通爾追封貝子永松承華  
寶胄毓派璿枝標碩望於雲達樹清聲於星苑擁旄列  
戟光聯槃木之支勒鼎銘鍾瑞啟分茅之胙賁龍章而  
煥彩寵式朱輪湖燕翼之貽謀系延青社茲者儀崇五



等秩右三公紀竹素而傳暉莫椒漿而告潔恩由義及  
當溯水源木本之仁名以實崇儼符帶礪河山之誓推  
恩毛裏斯禮達乎諸侯表望羽儀其澤流乎百世於戲  
宗彝磐石夙徵令德於藩垣受瑞析圭用表隆章於故  
府靈其享格歆此苾芬

擬撰兩廣總督祁墳祭文

朕維勛崇彝鼎嚴城賴專閫之司品植圭璋秉節重兼  
圻之寄詎風徽之條寂眷星驛以長懷式奠椒漿用輝  
竹冊爾兩廣總督祁墳行昭謹愨望著廉明列職西曹  
持衡南服久閱升沈於郎署遂膺薦擢於通階任河內

楓南山館遺集

卷末

二

之分巡遷浙東而陳臬黔陽春暖開藩布膏雨之仁紫  
甸秋高司憲肅清風之紀洎乎建牙嶺表抵掌戎行肇  
錫宮銜量移珠海方寄股肱之任重膺喉舌之司爽鳩  
平灑於丹書驄馬分榮於紫禁乃者駢征重賦饒運兼  
籌去思甫及乎三年總制遂兼乎兩粵鯨波永息雁戶  
胥恬方殫心力以勤民乃結膏肓而致疾猶冀仔肩之  
釋得紓胼胝之勞遽覽遺章曷勝追悼言懷篤棗宜沛  
隆施典重易名備哀榮於存歿恩宐逮後速中外之銓  
除載錫尊卣用光俎豆嗚呼純臣爲國本無責報於天  
家惇史垂謨尙克傳型於奕葉欽哉

起居注摺序

稿不全

奏爲道光二十三年

起居注書成遵例奏聞事欽

惟我

皇上仁周寰宇治洽垓垓握金鏡而調元運璿璣

而光化兼三立極乾符鞏坤載之基執兩用中

渙號溢謙尊之度明四聰而達四目庶績咸熙

孚一德而允一心萬幾無曠恩覃湛露鴻慈廣

被夫蝓蠕德應薰風蠡管莫名其揚<sub>臣等</sub>榮叨侍

從職在編摩啟珠囊寶籙之符咸臻美善陳金匱琅函

之冊彌永軒輶伏見我

楓南山館遺集

卷末

三

皇上合撰昭融通誠質闇白茅蒼璧通燿火於

元穹黜秕黃琮達蕭光於

廣時祈穀重

上辛之典金版騰輝升薊屈

吉戊之辰匏尊肅奠樹株廣植戒勿剪於周防黍稷惟

馨禮常雩而殷薦詣龍潭而申禱澍雨垂甘藝麩炷

而明虔祥霽布瑞寅賓展祀敢遲速之偶愆丁祭

崇儀互潔蠲而示諭慶霜辰之恬浪心契靈庥燦

雲漢之爲章額揮宸翰祈報式昭夫慎重

蒸嘗益懍夫欽承



裕祭舉於歲除

廟薦隆於月孟

奉先闕殿雲雷絢罍爵之文

安佑雖宮霜露 益羹牆之慕 飭鳩工於

陵寢鳥革增華肅振鷺於宗藩犧尊代薦

耿光允迪 大孝彌彰

壽康 躬拜宐春 遞如意之枝 愉婉心融朝日修

問安之禮 詣同樂而歡承

色笑玉膳調芳 侍敷春而敬接

起居瑤觴薦祉堂延秋月 陪清賞於

楓南山館遺集 卷末 四

慈闈壺永春暉迓純庥於

聖節

鸞章祇奉欽菲食而廷宴還停麟趾祥呈逮 殊恩而

醴筵徧錫射瞻正鵠爵賞維優禮始關睢婚姻宐慎法

以議親而未減情因怙惡而當懲凡茲董勸之互施悉

仰 恩威之並著若夫激揚志勸政應舉以三年勞勤

宐酬階並崇夫一等勤宣夙夜均霑 優敘之榮算益

春秋用免入班之禮 丹綉載隆於 心簡 鳳闕登

名 紫闈特賞夫肩輿鮐顏加寵 瑤閨緩轡珥貂息

布武之勞珂里回輪策騎展先塋之祀養疾暫安於匝

月飾終兼逮夫重泉祀尙鄉賢爰資矜式臣能諒直用  
免追償翠管頌翎日計樂觀夫成效繡衣直指星馳更  
策夫過行乞養陳情仍筦度支之出納毀家紓國深邀  
敘錄之褒嘉海疆輸赤仄之縉頭銜特晉江表挹紅倉  
之粟足食綬豐吞舟無漏網之姦積牘有清釐之候練  
習克成壯勇莫終怠而始勤捕誅貴得渠魁尙發蹤而  
追獲駐邊微而年資或滿任巖疆而勞苦能甘審獄詳  
明頓殊褫錫正供贏絀用別勸懲凡發號施令之無愆  
皆分職任官之各當至如吏才不足民社未勝粟廩多  
虧榆罔濫繫股削叢愆於輿論壽張顯拂乎官方催科  
楓甬山館遺集

卷末

五

而徵額不盈妄竄之居心殊巧信聞甄覈蠅營偏熟於  
干求刑恃深嚴鼠獄未詳乎研鞫田車抑配莫解侵肥  
民瘼隱沈遑知貧瘠案分首從倒置而草菅奚辭力已  
衰頽戀棧而桑榆遽迫云云

下闕

授湖北布政使謝恩摺

爲恭謝

天恩仰祈

聖鑒事竊

臣

於咸豐九年五月

十六日奉督撫

臣

行知四月二十二日內閣奉

上諭莊受祺著補授湖北布政使欽此謹卽恭設香案

望闕叩頭謝

恩訖伏念

臣

江南下士知識庸愚由

編修授福建知府再奉

恩綸簡發湖北方補安陸府



缺卽蒙擢授荆宜施道上年六月 簡畀臬司思報稱  
之毫無益屏營而滋懼茲復渥承 寵命晉擢藩司甫  
一歲而再遷彌感 鴻施之厚撫五中而三省滋虞蚊  
負之難湖北偏近三省逆氛水陸供支需費浩大藩司  
爲錢糧總匯籌餉尤刻不容寬而整頓吏治安戢閭閻  
尤爲當務之急如 臣 愚昧深懼弗勝竊念 臣 於咸豐二  
年獲仰 天顏敬聆 聖訓去年籲請入 見仰蒙  
硃批俟軍務完竣再行奏請欽此 雲日遙瞻依戀倍  
深於犬馬冰淵時惕馳驅自局於駑駘惟有仰懇

皇上天恩俯准先行入都 陛見俾得親承 提命有

楓南山館遺集

卷末

六

所遵循庶幾矢慎矢勤勉供職守以上副 高厚鴻慈  
於萬一不勝籲禱之至所有微 臣 感激下忱謹繕摺叩

謝 天恩伏乞 聖鑒謹 奏

授福建按察使謝恩摺

奏爲 微臣 恭謝 天恩籲懇 陛見仰祈 聖鑒事 臣

於湖北布政使任內奉督撫 臣 行知以 臣 前任臬司審

轉命案改擬失當吏部議以降一級調用閏三月十九

日奉 旨依議欽此旋奉督撫 臣 行知閏三月二十一

日內閣奉

上諭莊受祺著補授福建按察使欽此當卽恭設香案

望 闕叩頭謝 恩敬將藩司印信文卷移交新任布  
政使嚴澍森祇領伏念臣賦性拘迂自干罪戾因法律  
之未能深曉雖罷斥而猶有餘慙何期更沐 恩施復  
加錄用仍畀祥刑之職予以自新俾知宥過之條寬其  
既往況福建地濱海嶠獄事繁多臣昔年試守是邦三  
載而未能報績此日蒙 恩陳臬重來而益愧無功惟  
有籲懇

皇上天恩准臣入都 陛見俾得親聆 提命獲有遵

循庶幾自牖額蒙期無過誤臣一面趕速料理歷年經

手事件交代完竣卽日起程北上所有微臣感激下忱

楓南山館遺集 卷末 七

謹繕摺恭謝 天恩伏乞 聖鑒謹 奏

授浙江布政使謝恩摺

奏爲恭謝 天恩仰祈 聖鑒事竊臣於咸豐十年七

月十三日准浙江撫臣王有齡行知咸豐十年六月初

三日內閣奉

上諭浙江布政使著莊受祺補授欽此謹卽恭設香案

望 闕叩頭謝 恩訖臣先蒙 簡授福建按察使任

因前辦湖北糧臺報銷事宜尙未完竣經督臣官文撫

臣胡林翼奏請暫畱趕辦再行起程五月二十八日准

督撫臣行知咸豐十年五月初六日內閣鈔出初三日



奉

上諭莊受祺經管湖北糧臺報銷尙未清釐著准其暫緩兩個月趕緊清釐交代再行來京陛見欽此現已於七月二十八日兩月限滿之前辦理竣事喜觀 光之有日復拜 命之自 天感愧彌深悚惶尤切伏念 臣以江南下土由編修外授知府洊擢兩司前以引律之未精自干重議茲荷 殊恩之屢沛仍復原資稍具天良皆宜自奮查浙省爲財賦之區藩司總度支之任況值逆氛未靖籌餉爲先愚昧如 臣懼難勝任惟有力除浮僞勉矢清勤臨事不敢畏難任人必求務實以副

楓南山館遺集

卷末

八

高厚鴻慈於萬一仍一面謹遵 前旨趕速進京泥首

宮門敬聆 聖訓庶幾事事得有遵循俾免臨時隕

越尤深私幸所有 微臣感激下忱謹繕摺恭謝 天恩

伏乞

皇上聖鑒再 臣尙在湖北借用湖北藩司印信合併聲

明謹 奏

魁枕參首賦

以平旦建魁海岱東北爲酌

繫七星之轉運合四序之流行衡所殷而已建杓所指而寅正惟斗魁之北位乃參首之西傾俛枕背觴倚極而星辰環拱高臨涼益時和而天地成平蓋斗曜之麗天也始樞極之相維繼璿璣之對燦度權衡而御斗牛監瑤光而指雲漢衛紫宮而象懸倚太微而珠貫司命司中司祿戴匡而號文昌上階中階下階齊色而彰紉縵究其下瞻昴畢或東望於初昏平視參旂候南郊分及旦驗測望於西宮倚甘石爲左券配六府而司金候五潢而定憲罕車動而厭馳驅倉廩盈而益餐飯占旄

楓南山館遺集

卷末

九

頭而兵戒二三平衡石而儲昭億萬殫天狼而芒靜懸樞知匡衛之安行白虎而秋高拱極想壽星之建惟參躔之分埜爲益部之兼該又唐叔之始建懷天命之昭回參爲晉屬土闢疆恢實沈則夢中如告使星則夜測知來蓋在地成文同此遵王之路在天成象長安戴斗之魁也魁之所司大邦斯在青徐之地居多齊魯實爲之宰魚鹽逞其富强髦秀徵其文采溟渤蕩其波濤岱嶽仰其崔嵬東爲萬物之始成乎巽而應乎乾北居四極之尊觀乎天者周乎海爰有推步之家隸首之輩方隅局其審量咫尺圍其向背蓋天之所論皆誣宣夜之



立方易廢何若渾天成說如蟻旋磨而無涯周髀有經  
若人擁筮而善戴所以仰觀俯察上爲首而下爲尻緯  
析經明西指華而東指岱時也鶉尾日次牽牛未中天  
市焜煌於南紀攝提煜燿於高穹蒼龍蜿蜒而的皞朱  
鳥斂戢而瞳矐織女機絲常虛夜月銀河練影欲動秋  
風觀斗柄之指中向夕而魁藏於北盼日躔之在角凌  
晨而參見乎東我

聖朝化被南郊威行西域隴山巖梟獍之誅滇水靜熊  
羆之力 奉時而共樂 蕩平 居所而羣瞻 政德

兆民獲枕席之安庶職盡魁倫之式行見騶虞知禮

楓南山館遺集

卷末

十

玉衡標 建極之中鯨海無驚珠斗耀 共辰之北

游絲詩和韵四首

附

曾共飛英到洛陽飄飄素質謝華堂前身已隔重霄近  
遺恨還添一縷長莫繫春駒過短堞且隨晨燕度橫塘  
祇今遂得棲遲願不逐鞭絲道左揚

十丈紅塵踈地來梧桐庭院鳳凰臺已拚歷劫同消歇  
豔說登仙此化胎柳暗花明皆幻夢蘭因絮果任疑猜  
天邊舊侶如相問恐落泥塗作棄材

也隨烏鵲恨填橋獨賸愁魔未易銷鎮日不妨情宛轉  
乘風尙作勢扶搖本來蛻骨三生幸繫到鄉心一水迢

卻笑綠楊成大蔭祗堪學舞作垂腰  
徒倚長空大覺生塵寰消息視陰晴憑他杼軸工難就  
且喜丹青染未成不向天孫商去住肯依世網作牽縈  
珠簾十二同時啟休管春光滯遠程

楓南山館遺集

卷末

二

楓南山館遺集卷末

終

孤子怡孫編次



